


濟寧州志

三十



DS
793
S42
C6532
1785
v. 18



濟寧直隸州志卷三十

列女

金鄉

嘉祥

魚臺

金鄉縣

趙氏女後周時人父盜鹽當論死女年十五詣官

訴曰迫饑而盜情有可原願沒身為官奴否則請

俱死有司義之許貸其父女曰身今為官所賜願

毀服依浮屠法以報因截耳自誓獨居終身

通志

馬氏知管侯誼妻守節撫孤至大四年旌

兗州府志下同

霍氏武氏有元時旌表孝婦石坊在石門集

李氏劉璞

通志縣志皆作璠

妻年二十而寡守節撫孤壽

九十餘成化十六年奏聞旌表

楊氏魏琦妻適琦三年生子九日琦歿楊孝養舅姑矢志靡他成化十六年奏聞旌表

高氏楊清妻年十六適清生子五月清歿撫子養姑誓不改嫁壽至八十二歲嘉靖十三年奏聞旌表

史氏辛召妻夫歿史年十八縊於門楣以殉

程氏胡陵妻年二十二而寡守志六十餘年其孫允靖娶妻楊氏年十六夫亡自縊於屋梁里人目

爲一門雙節

高氏王尙仁妻尙仁歿三日氏自縊年十九里人
嘉之立石于墓

劉氏蘇範妻嘉靖二十六年夫歿縊于庭下年方

十九

李氏陳蘊妻夫死自縊里人爲之立石

谷氏張孟夏妻正德六年遇賊死節

唐氏王思賓妻思賓歿唐自縊少卿胡汝桂撰碑

陳氏胡拱樞妻拱樞歿無子因自縊

鄭烈女許聘李檢檢疾劇女堅欲往視父母不能
奪入門對檢泣期以死從歸之夜遂自縊明日檢

亦亡

尚氏庠生張時中妻時中故子大桂方二歲氏苦志守節甘貧訓子孀居二十八年而終

邱氏周希緒妻牛氏其側室也希緒卒邱無子牛生子濟生二氏同心守節撫孤成立邱孀居二十五年而終牛孀居三十三年而終

高氏庠生王家弼妻弼故氏方二十歲矢志守節四十餘年

韓氏庠生李

縣志作李

汝重妻重故撫孤守節歷四十

九年

王氏庠生周芳春妻春歿氏年二十三歲撫孤守節歷五十餘年

辛氏庠生周鐔妻年二十一寡守節六十年

潘氏侍郎士良女周鑑妻詳州志

胡氏庠生高光妻光歿誓以身殉母族多方勸諭不從繼於柩旁

戴氏王民俊妻俊歿氏水漿不入口者累日舉室防甚嚴母又泣勸之乃強進飲食至除夕乘母暫歸繼夫柩前事在崇正四年

李氏楊問孝妻年十七于歸二載夫故無子氏柏

舟自矢孝事舅姑四十餘年卒年八十餘歲奏聞旌表

周氏庠生李應旂繼室旂卒氏水漿不入口殮畢自治棺具繫帛柩前從容自縊

國朝

劉氏郝文才妻年三十寡子名守分撫之及娶劉氏年二十四寡有子應魁姑媳相依撫孤成立巡

按匾其門曰峻節雙標

竟州府志下全

胡氏周象巽妻年十九夫亡自縊遺書云先夫二十我十九少年同死伊可哀也亦可樂也

郭氏庠生楊所建妾姬周氏與建相繼亡郭年二十餘所生子六歲守節撫孤成立壽至九十有二

所建縣志作所立

李氏庠生周東印繼室年十七于歸甫兩月夫歿立誓守節六十餘年

郭氏庠生張霞妻夫亡撫嗣子顯親娶媳周氏生子二顯病歿周年二十八姑媳同撫遺孤授室成名娶妻王氏年二十復寡一門三世相繼守節

劉氏周獲妻夫亡矢志守節撫三子成立足不踰中門者三十年卒

蘇氏周治皞繼妻治皞素患羸弱不治生計氏代爲經畫翁老事之惟謹撫前室一子如已出後治皞病卧床日夜侍湯藥衣不解帶者二年每禱天願以身代無何不起氏自縊

吳氏劉玫妻玫故氏年二十五無子自縊

李氏孟輔臣妻年二十三夫亡孝養孀姑撫孤成立苦節四十餘年

李氏郭鼎梅妻夫亡事姑甚孝姑亡鬻所居之室以營葬曰大事畢雖露處何傷買主義之令終其身不他徙

孫氏庠生李中怡妻年十八夫亡立志守貞事翁姑以孝稱教子成立登康熙甲子賢書苦節三十一年

李氏周槩妻年十九適槩相敬如賓越一歲夫歿氏縊死柩前衣裳整齊顏貌如生

胡氏孫璣妻貞節旌表

吳氏周曰爵妻年二十夫亡無子矢志守節備極艱辛壽至八旬

周氏胡學妻年十九適學期年而學卒氏矢志守節七十餘年

高氏趙氏高氏庠生周珽妻趙其側室也珽歿二氏年俱二十餘高無所出趙一子幼多病二氏苦節共勵撫孤成立進士楊淮爲作雙節傳

劉氏王玉連妻年二十五而寡養翁姑撫二子苦節四十餘年

胡氏高選妻年二十四而寡孝事舅姑以苦節終其身

張氏李純妻年二十八而寡孝事翁姑教子入庠守節終身

李氏蘇雲龍妻年十九夫歿以姪疑爲子撫之

已出旣娶婦而疑又死同疑妻李氏姑媳相守冰
蘖共勵宗黨稱之

孫氏周治泰妻年二十五夫歿撫二子一女守志
事舅姑以孝稱

高氏庠生周和春妻夫卒無子生母董孤斃無依
氏與董同居四十年以節孝稱

蕭氏庠生周兆春妻夫歿撫遺腹丁成立苦節歷
三十年

高氏周知妻與媳某氏以雙節稱

見縣志
作姑

周氏王文昭妻夫亡氏年十九遺腹生子撫之守

節壽九十一而終

高氏宗瑞妻夫亡守節終身雍正九年建坊旌表

劉氏李振塈繼室夫亡氏年少潛吞粉毒不死逾五載卒自縊

李氏郭廷瑞妻年二十二夫亡撫猶子逢泰守節未幾逢泰卒偕媳撫孫知剛成立卒年八十一

周氏楊大亨妻年十九夫亡撫嗣守志苦節二十一年而卒

王氏郝宗哲妻哲歿氏年二十六奉姑撫孤苦節

十五年

以下四人並旌表

周氏李振埒妻夫亡奉姑撫孤守節二十五年

周氏李錢妻年二十夫卒視殮畢潛盥櫛著吉服

端坐自縊

劉氏李世燾妻夫故事舅姑撫弱息守志三十二年

蘇氏周澍妻澍卒撫孤子棻娶李氏未幾棻早逝

李撫弱媳事孀姑以孝聞棻子燦復不永妻胡氏

撫孤事姑姑歿事祖姑以終人稱三世孝婦

孫氏李振型妻失卒氏年二十撫週歲子舒以守娶

媳生三孫而舒亡氏與媳共撫弱息成立其後三孫相繼歿三孫婦共誓不嫁三世五孀

王氏孫織妻結褵三載夫亡守志撫孤娶媳子又亡與媳蘇氏撫孫成立艱辛二世苦節終身

以下二十

一人並旌

秦氏賈成都妻夫歿與伯嫂相依養姑撫孤守節四十二年

范氏張廷楨妻夫故撫嗣爲後勤紡績以養舅姑守節四十四年

李氏王克標妻

克縣志作元

夫亡自縊乾隆五年

張氏盧珍妻夫故守節終身

胡氏王霞妻夫故守節終身

李氏楊敦行妻年二十二夫故無子撫嗣守節踰
二十五年而卒

李氏楊錫瑀妻年二十二夫故撫遺腹子守節五

十一年

縣志趙
錫瑀

杜氏楊若炯妻夫亡守節終身

李氏貢生蘇奇妻年二十二夫亡矢志撫孤長如

組入北雍次如軾任萬全縣乾隆九年旌

李氏王文炳妻年二十八夫故撫嗣子守節乾隆

九年 旌

楊氏例監李士聰妻夫故氏年二十八時祖輩姑孀子幼三世孤苦依托一身守節五十七載

江氏李瑗妻年二十一夫故矢志撫孤守節四十七年

趙氏劉欽妻年二十八而寡養老撫孤冰操四十四載

鄧氏周隆妻年十七而寡撫姪守節舅姑歿喪葬盡禮人稱孝婦

江氏蘇中保妻夫歿投井以殉家人急救之爲立

嗣氏撫育周至清操四十一年

周氏馬溥繼室夫故無子倚床柱自縊時年二十有五

袁氏殷曰琨妻年二十六而寡撫孤成立教子入庠未幾子卒遺孫方週與媳周氏共撫之苦節五十五年

周氏庠生王毓琨繼室年二十一夫故撫嗣守志終身不渝

周氏王汝培妻年二十二夫故養老撫孤歷節五十二年

王烈女王士奇女有子牲者慕女少艾窺其戶無人攬女臂欲調之女堅拒得免父母歸哭訴其事投繯自縊

楊氏李冰妻夫傭工外村比屋張林夜穿氏室欲汚之氏堅拒得脫忿極自縊

李氏王振海妻振海遇他出有張二喜者窺氏獨宿夜深叩其牖氏罵拒之張遁出夫歸哭訴其事遂自縊

以上已旌

隨氏荆同梓妻年二十一夫故守節歷六十餘而卒

楊氏趙鎧妻二十五歲夫亡撫孤三子成立守節四十餘年

尋氏楊居紳繼室夫卒立姪爲嗣氏慨然曰夫有嗣婦人之事終矣遂自縊

周氏李徵亮妻年十九夫亡嗣姪大綽撫之娶媳越數載大綽歿又嗣孫與媳共撫之孤苦相依四十餘年人稱兩世貞節云

孫氏徐克健妻夫故撫嗣守節一日火突起將及其室氏抱夫柩號泣不動火忽反風比屋悉燬惟氏獨存

孫氏庠生尙徵祥妻年二十一夫亡殯畢自縊

李氏監生張秉倫繼室夫亡養姑撫孤守節五十年而卒

徐氏李子仁妻年二十二而寡守節撫孤歷四十餘年

周氏孫璽妻年二十六夫亡撫孤守節事翁姑以孝稱宗黨賢之

尙氏周奕珩妻年十七夫亡矢志守節事嫡庶兩姑能得歡心撫嗣子成立歷五十餘年

高氏周惟清妻年二十四夫亡矢志守貞撫孤

立無縣志

黃氏蘇廷傑妻年二十五而寡奉翁姑撫弱息守志終身

李氏進士李遜妻夫故撫二孤不幸俱夭流離顛苦貞操彌篤

李氏李允熙繼室年二十夫故撫嗣子成立娶媳子又亡氏與媳周氏共撫嗣孫人稱兩世苦節周氏王大禮妻夫歿撫孤成立受室而卒與媳劉氏嗣孫共撫之苦節終身

李氏孫奎妻年十九夫亡嗣姪於襁褓中愛如已

出守節四十餘年

周氏彭程萬妻年二十夫故無子時兄嫂早逝遺孤二氏嗣其次撫其長迄成人有室後子姪相繼亡又撫其遺孤俾克成立苦節四十餘年

胡氏張桂楫妻年十九夫亡遺孤甫三月撫之守節歷四十餘年

李貞女李熾女性至孝守貞不字卒年五十餘

孫氏王大壽繼室年二十餘無子壽卒之夕卽自

縊

大壽縣志
作大聘

李氏張烜妻夫故氏年二十六守一女傭於族之

富而孀者得食以養其翁氏嘗不飽鄉里共稱孝婦

任氏庠生周映璧妻夫卒無子氏矢志自守孝養翁姑歷節三十餘年

張氏李長元妻年二十三夫故矢志守貞撫嗣子如已出歷節三十餘年

趙氏王文鎧側室年二十七鎧卒矢志守節撫二子董戒甚嚴同日入泮

高氏李學詩妻夫故無子與姑相依姑卒竭力營葬依母家以居苦節終身

周氏庠生王璟繼室年二十九夫亡撫前室子元善如已出娶媳楊氏生一女而元善歿氏與媳共矢志立孫以全夫嗣苦節三十餘年

張氏武友如妻年二十一夫亡撫幼子以守奉養孀姑紡織以給

郭氏張華齡妻年二十九夫故撫嗣成立守節歷三十八年

何氏周以禮妻年十七而寡矢志守貞善事舅姑苦節三十二年

李氏監生趙良楫妻年二十四夫故撫嗣守貞五

十五年

王氏張思訥妻年二十一夫故志同冰霜至三十餘年嗣姪以爲夫後

陳氏劉桂妻年二十五夫卒撫嗣守志孝事孀姑歷節三十八年

李氏李允中妻年二十八夫故養姑撫孤歷節三十一年

焦氏趙耀祖妻耀祖歿與寇氏養親撫孤倍極艱辛卒年九十有七

李氏蘇大方妻大方素患羸疾氏于歸後晝夜奉

事閱七月無倦色病劇氏知其不起遂自縊

李氏李永坦妻年十七夫亡撫遺腹子以守奉養

衰姑歷節三十年

王氏李淑嚴繼室年二十四夫故撫前室子如已

出守節四十六年

張氏介維德妻年二十三夫故撫孤守志孝事翁

姑歷節四十四年

李氏劉維藩妻年二十四夫亡撫孤養親以孝慈

稱歷節四十五年

徐氏周妻年二十三夫故撫孤成立守節三十

八年

杜氏李應捷妻年二十四夫故撫嗣子愛加已出
歷節四十九年

張氏宗文秀妻夫故氏年二十六撫孤守節歷六
十三年乾隆十年旌

楊氏張德新繼室年二十三夫故遺腹生子兼撫
養前室子愛均所出歷節三十三年

郭氏監生董德裕妻年二十五夫故無子撫嗣守
節歷四十八年

張氏董密妻年二十六夫故嗣姪撫養孝事孀姑

歷節三十餘年

李氏楊知義妻年十九而寡奉親撫子守節終身
趙氏楊敦禮妻年二十三夫故無子苦志自守歷
節三十六年

周氏魏惠妻年二十夫故撫一女一子苦節三十
餘年女適高新榮榮早卒亦守節不渝

高氏張珪妻年二十夫故守節終身

縣志作
張珪基

李氏范宗周妻年二十一夫亡撫嗣子如已出奉
養翁姑歷節四十六年

岳氏趙銓妻年二十二夫故撫孤守志事舅姑以

孝稱清操五十餘年

孫氏庠生孫秉妻年三十而寡撫嗣子成立歷節

五十年

縣志作楊氏

郭氏任偏妻年二十一夫歿守一女舅姑令改適

不從以杖擊其首簪刺入頂中血流被面志不少

移遂被逐與女紡織爲生歷節三十餘年

張氏李鑰妻年二十五而寡與孀姑相依撫孤守

節五十餘年

張氏周之典繼室

守節已旌

高氏庠生李悟妻

守節下全

周氏胡貢南妻

縣志無

周氏庠生郭之郊妻

孟氏周大成妻

李氏庠生周元姜妻

李氏周世隆妻

周氏庠生李之烜妻

高氏周東曙妻

李氏貢生周濂繼室

張氏李銳妻

高氏周縣志作李光元妻殉節

周氏李鍾妻殉節

以上十三人已施

周氏李鎮妻夫亡絕粒死

張氏周光彩妻夫亡守節

下全

李氏庠生周愬妻

周氏庠生李化龍妻

張氏周永懋妻

高氏庠生孫緒妻縣志無

孫氏李振壁妻

縣志無

周氏孫中翠妻

周氏孫中任妻

高氏李化濬妻

李氏周鈺妻

劉氏周密妻

高氏監生周珣妻

王氏廩生周瑞妻

夏氏周世順妻

周氏高昌錄妻

周氏庠生蘇來宣妻

周氏張鼎彝妻

周氏李徵度妻

王氏周聯元妻

史氏李燧妻

馬氏李文瑛妻

李氏李文龍妻

楊氏周濯妻

吳氏例監周之砥繼室

李氏庠生周廷秀妻

李氏周世福妻

周氏魏琚妻

周氏李隅妻

胡氏周坤妻

周氏尚瑞妻

周氏高級妻

周氏李銓妻

楊氏周溱妻

蘇氏周冲妻

王氏周泌妻

李氏王巢妻

李氏李枋妻

周氏李鐸妻

縣志作李鎮

蕭氏周詳妻

胡氏李化洵妻

周氏庠生孫坤妻

縣志孫坤

李氏周永頌妻

孫氏李徵吉妻

縣志無

孫氏周鍾秀妻

縣志無

孫氏來嗣妻

縣志無

張氏孫勸妻

縣志無

齊氏孫莪妻

無縣志

楊氏孫永錫妻

無縣志

李氏蘇元潔妻

潔縣志作結

周氏鄭克孝妻

周氏庠生莫鏡妻

周氏楊光彥妻

周氏楊昌年妻

李氏周進修妻

周氏李良耜妻

周氏胡度標妻

李氏周維常妻

周氏孫培成妻

周氏李永福妻

楊氏周報德妻

張氏李貞基妻

周氏楊烜妻

程氏周銍妻

無縣志

周氏庠生李先知妻

周氏孫錫圖妻

李氏李明善妻

無縣志

李氏孫安拜妻

王氏孫中立妻

縣志無

李氏周容德妻

以上充州府志

張氏邵岱妻姑牛氏病思肉羹家貧乏貲氏割股

奉之病瘳知縣王匾旌其門

以下依縣志補

渠氏程蘭馨妻夫故家貧撫孤養親歷節六十四年而卒

劉氏柳敬文妻文故氏撫二孤姑病數月昏迷氏割股愈之知縣饒給以布一疋米一斛

周氏高元士妻年二十七夫亡無子矢志自守葬其家未殯者四世苦節三十年

楊氏張盛美妻無子守節四十餘年

李氏劉興渙妻渙亡事姑稱孝守節五十一年

戴氏靳諤妻撫孤守節四十五年孫燮府學廩生

徐氏鄉民馮曾妻少寡叔屢謀嫁之誓死不去

楊氏田睿妻睿故撫孤養姑守節六十四年

馬氏趙秉直妻夫亡守節下全楊氏李振甲妻

楊氏李以賁妻
李氏李景顯妻

李氏李遐修妻
周氏李淑濂妻

王氏李凝道妻
楊氏李惠人繼室

李氏周昇嘉妻
薛氏李化龍妻

夏氏李應龍妻

張氏李成龍妻

嘉祥縣

武氏黃宅妻夫死於邊氏養舅姑撫幼子守節終

身年七十卒延祐元年詔旌其門

縣志

成氏陳秀妻夫死紡績自給守志終身洪武十六

年奉詔旌表

兗州府志下全

謝氏陳奉先妻年二十餘夫死紡績教子守節終身正統十四年奉詔旌表

白氏庠生李璇繼室結褵未三載而璇卒一子方數月撫孤守節年八十三卒嘉靖十三年旌表

王氏廩生高汝梧側室梧卒繼妻李氏亦旋逝遺

一子方數月氏養如己子守節不渝年八十三而終崇正九年孫斗光奏請旌表

孔氏廩生曹璫繼室生子夢庚未晬而璫卒時氏年二十二奉事翁姑教子成立仕至靈石縣丞嘉靖間知縣張禹弼表其門

馮氏義民宋紹先妻夫故氏安貧守節終身不移按院屢旌其門

宋氏曹續元妻夫故氏年十九上事翁姑下撫弱息婦德母儀兩擅其美云

張氏庠生董椿妻年二十椿亡無子誓不再適謹

事翁姑翁姑卒往依母母卒依祖母祖母卒轉依弟妹形影相弔毫無怨悔夫生前製一髻至死未嘗易去

王氏庠生趙汝登妻年十九夫故矢志守節歷六十年萬歷九年兩院旌表

宋氏庠生閻昶妻昶居父喪哭泣而死氏年二十四矢志守節終身不渝夫爲孝子妻爲節婦里人稱之

李氏馮大騰妻夫亡無子矢志守貞年五十而歿趙氏舉人宋德隆妻年二十四夫故無嗣撫育孤

女栢舟自矢奉詔旌表

李氏庠生郭貞固妻年二十夫亡家貧守節不渝
邑令旌之

李氏宋之翔妻年二十一歲夫亡無子矢志守節
歷五十餘年

曹氏張汝登妻年二十一歲夫故繼母逼令再醮
氏墜屋明志撫子成立至八十一歲而卒

李氏董錫祿妻夫亡矢志守節歷六十年

翟氏郭連成妻年二十三歲夫亡守節歷五十餘
年

段氏田養民妻年十九夫故無嗣厲志栢節至七十三歲卒

李氏庠生董起潛妻年二十五夫亡撫孤守節邑令旌之

張氏鼎東泰妻年二十一歲夫故子甫四歲撫孤守節終身如一

宋氏王安民繼妻年十九夫故氏無所出撫養前子恩義兼至七十二歲而終

武氏孫懋修妻年二十一歲夫故絕粒七日而死萬歷間奉詔旌表

劉氏庠生翟士彥妻彥故氏哀毀不食越七日自縊
樞側天啟間奉詔旌表建坊

梁氏秦琬妻夫亡自縊

于氏尹思愛妻年十六于歸夫貧甚且瞽氏紡績
以養夫姑畧無怨色已而姑亡夫亦旋逝拊棺摧
痛誓以死殉衆泣勸之氏曰使吾幸而有子可不
死卽無子而姑存無所托亦不可死今已矣安用
生爲且人孰無死今日與異日等死耳衆知志不
可回防之甚密一日偶得間遂自縊樞側

郭氏吳詠妻于歸甫十月而詠卒氏欲以身殉母

防之甚密不得聞哀號不食旬日嘔血死

董氏劉浩妻年十九夫病革氏焚香以禱願以身

代夫死數日不食翁姑慰之氏曰焉有夫子不食

而婦能下咽乎未幾夫逝擗踊哀毀剪髮納夫棺

中旣殯三日遂自縊時崇正十四年九月也

浩一作浩

陳氏邑人王鳳幃妻夫亡氏年十七守貞甘貧孝

事翁姑始終無間至八十餘歲卒

石氏儒童王之猷妻夫歿欲以身殉家人防之不

得間托歸省親遂自經時年十九歲

李氏廩生吳一科妻夫歿矢志守節歷五十餘年

翟氏庠生宋德盛妻夫早逝氏上事翁姑下撫弱
息苦節終身

徐氏董宏謨妻年二十喪夫事姑惟謹寒暑不易
里人稱其節孝俱全

趙氏李魁薦妻夫故氏年十九矢志守節歷五十
餘年

阮氏陳某妻濟寧阮某女也

已見前

國朝

蘇烈女蘇州元女順治五年八月十八夕賊潛入
城至元家元遁去獲女欲污之女厲聲曰狗賊何

不速殺我家女肯從汝耶罵不絕口遂遇害時
年方十四

阮氏庠生張筠妻順治七年春湖寇蹂躪新河氏
被掠不屈詈罵求死賊以刀斫其面比死罵聲猶
厲

楊氏庠生張永康妻夫亡殮畢自縊事在順治十
一年

楊氏庠生徐聖躋妻夫亡自縊死事在順治十五
年

高氏石毓嶠妻生子甫兩月而夫亡氏苦節五十

餘年後子登康熙辛酉賢書

高氏監生張箕妻夫亡守節終身

楊氏劉鄧勳妻夫亡守節終身

陳氏金榮貴妻夫亡守節有豪惡率衆調之氏大罵豪族衆毆之立斃

鹿烈女名令姑幼許字高崇未婚而崇卒女聞訃自縊

李氏安邦柱妻邦柱隨征土寇陣亡氏抱女投井死里人咸哀之

袁氏庠生李時昱妻昱病氏日夜禱祝求以身代

及夫歿殮畢遂自縊

蘇氏舉人李永貞妻年二十三夫故翁姑亦旋逝氏栢舟自矢撫幼叔成立以壽終

馮氏宋景昭妻年二十八夫故事親撫孤守志不渝壽終八十五歲

李氏庠生馮溥側室年二十六夫亡矢志撫孤歷節五十八年

孫氏馬枚妻年十八夫卒撫遺腹子成立守志終身

澹氏庠生李之秀妻年二十四夫亡自縊以殉事

在康熙四十三年

田氏谷景妻年十九夫亡自縊以殉事在雍正六年

黃氏監生張珩妻夫亡守節雍正六年旌

張氏梁德秀妻夫亡守節乾隆三年旌

趙氏監生李鵬飛側室夫亡守節乾隆八年旌

高氏張珽璘妻夫亡守節乾隆八年旌

梁氏庠生吳紹妻年二十夫亡守節終身

李氏梁心一妻年十九夫亡守志終身邑令旌其

門

梁氏姚祓妻夫亡守志終身邑令旌其門

李氏張曦妻年二十五夫亡守節終身

侯氏孫熹妻年二十七夫亡姑亦旋逝氏以婦代
子送終盡禮撫幼子成立守志終身

李氏田承泗妻年二十一夫亡矢志守節事孀姑
克盡婦道閭里稱之

張氏王三貞妻年十九夫亡事親撫孤守節終身
馮氏梁道立妻年二十四夫故孝事翁姑守節待
嗣宗郇稱之

高氏梁道崇妻年二十六夫亡與孀嫂馮氏相依

事親教子守志不渝人稱一門雙節

姚氏石士愷繼室年二十一夫亡以養翁姑爲己任撫嗣子成立以壽終

黃氏王建中妻夫亡氏年二十遺腹生子撫之以守歷四十餘年如一日

翟氏劉元吉妻年二十二夫亡撫嗣成立守節終身

徐氏王嵩妻年二十三夫亡茹荼飲水歷節四十餘年

李氏江永寧妻年二十餘夫亡事親撫孤守志終

身

梁氏韓淑孔妻年二十三夫亡守節撫孤既受室而子又亡餘一孫撫育成立備極艱辛焉

梁氏姜作肅妻年二十六而寡守節撫孤娶媳子又歿撫孫成立艱辛二世苦節終身

楚氏蕭妙東妻年二十四夫亡撫孤守節終身不
渝

張氏劉禮妻年二十一夫故無子撫嗣成立守節
終身

司氏高從遊妻年二十一夫故事親撫孤苦節終

身

張氏王楊妻年二十二夫故撫遺腹子守節孝事
衰姑里人稱之

梁氏李珣妻年二十一夫亡事翁撫孤歷節五十
餘年

李氏庠生高士傑妻年二十夫亡撫孤守節歷三
十餘年

姚氏吳朝鳳妻年二十五而寡守志撫孤歷節六
十餘年

丁氏賈士林妻年十九而寡事衰姑撫幼子苦節

終身

張氏鼎懋妻年二十二夫故撫嗣子教養兼備守節終身

張氏鼎孟春妻年二十七夫故事親撫孤守節終身

李氏隨順妻年二十四夫卒矢志守貞撫孤成立歷節三十餘年

劉氏黃聖武妻年二十四夫故奉舅姑撫孤子苦志守貞六十餘年

馬氏黃開后妻年二十六夫卒事孀姑撫弱息苦

節終身

張氏劉媚妻年二十四夫故撫孤成立守節終身

湯氏蔡如桐妻年二十夫歿矢志靡他事祖姑倍

謹訓子成名人稱完節

申氏楊本裕妻夫故事親訓子守節終身

趙氏庠生楊和妻年二十二夫故撫嗣承祧守志

終身

丁氏王蘊綬妻歐氏蘊經妻綬經兄弟早亡丁氏

有子甫數歲歐無所出二氏相依守志孝事舅姑

乾隆十年旌

魚臺縣

張氏魚臺人趙大妻夫早卒張以死自誓督幼子

壽受書每至夜分後壽官憲副張封安人

縣志

李氏吳憲妻正德六年憲爲流賊所執欲殺之李

願以身代遂遇害而死

兗州府志下全

劉氏李天性妻正德六年遇賊投井而死

韓氏李氏甄慥妻妾也慥卒韓無出李生子方周

而殤韓謂李曰生爲孤也孤死何望二氏同縊於

樞前

韓氏高誼妻誼故氏甫二旬矢志守貞撫子驥成

立年八十一歲而卒

周氏宋祥妻祥拒賊遇害氏矢志守節歷六十餘年

康氏劉珂繼妻珂卒氏守節終身撫前孤尤以慈著

魏氏侯繼妻繼卒氏養姑育孤鄉里稱焉

魏氏孫沔妾沔卒氏敬事嫡室嫡室卒營葬如禮守節四十餘年有司以貞淑匾其門

武氏劉節妻夫亡守節終身

王氏戰棟妻棟歿氏年二十二遺孤甫周歲族人

喉繼姑逼嫁之氏持刃以死自誓紡績課子後遊
泮巡按吳旌其門曰苦節冰霜

宗氏王突妻突卒撫孤守節

王氏胡尙才妻夫歿捐軀殉節

奚氏黃甲妻適甲週歲而甲卒遺孤方彌月氏悉
心撫之卒以成立事聞表其門曰天壽完節

王氏監生韓價妻價歿無子氏矢志守節歷四十
餘年

黃氏滕玷妻玷卒氏撫孤守節歷六十三年

紀氏李恒性妻夫歿事姑撫孤艱苦備嘗者三十

三年

馮氏王受社妻夫歿撫孤守節

朱氏韓蘇妻夫歿氏年二十二無子矢志守節越
三載翁姑伯嫂俱亡遺姪四歲名效上氏視爲己
子撫養成立遊泮會城陷效上遇害遺孫五人俱
爲婚娶後長孫次孫相繼卒孫婦武氏吳氏與效
上妻趙氏皆相依守節享年八十餘邑人莫不賢
而奇之

聶氏劉沉毅妻毅卒上事孀姑下撫遺孤堅志苦
節奉詔旌表其門

甄氏增生武宏地妻于歸未三載而夫亡氏堅志
守節享年八十奉詔建坊旌表

劉氏任師愷妻愷卒遺孤二俱在襁褓氏苦志堅
守教訓備至後二子俱游泮

王氏曹謙妻謙卒子志臯市四歲氏教訓成立爲
邑庠廩生後志臯卒其妻郭氏亦守貞撫孤嗣
前徽焉

王氏常延禧妻延禧垂髫擅才名而困於有司感
憤成疾氏年甫二旬隆冬著單衣日夜焚香涕泣
祈以身代夫歿撫周歲孤備歷艱苦矢志守節三

十餘年卒

陳氏胡惟津妻津歿守節終身

吳氏庠生段龍明妻夫亡撫孤守節歷三十餘年
袁氏楊尙連繼妻歸連三歲而連故前妻子方五
齡氏撫育成立顛沛萬狀享年九十餘人共賢之
張氏楊思妻夫亡撫孤守節

李氏任宏禮妻夫亡撫孤守節享年八十餘

王氏趙正妻無子側室朱氏生子名鏡明甫周歲
而夫卒氏與朱同心苦節撫孤成名邑令旌之曰
冰霜同操

孔氏庠生韓可立妻天故氏年二十二堅守冰操
撫育二子珍琨俱入庠

楊氏常可成妻夫故無子守節終身

陳氏謝應登妻夫故無子守節終身

武氏蕭濟妻夫故子二歲撫訓成立守節終身

辛氏蕭文景妻夫故撫孤守節

魏氏侯尙進妻夫故守節終身

顧氏趙一邦妻夫卒遺腹生子名孔才養育成立

苦節終身

朱氏吳文煥妻夫歿子未周歲氏堅節苦守教子

啟允入庠奉詔旌表

樊氏房文英妻夫亡堅志守節課訓三子次第入庠親友欲表揚之氏聞誡子曰從一而終婦人之義豈以爲名若必止之里人愈歎其賢卒年六十有七

劉氏房維新妻夫歿撫孤守節

董氏房位中妻夫故遺二子曰苞茂撫養教誨克有成立

聶氏廩生樊民瞻妻夫歿守節訓子克振家聲崇正壬午城破令其子避難而與女同縊死三日後

顏色如生觀者歎異之

樊氏房崇高妻卽樊聶氏女也壬午兵難氏適歸寧母家與其母同縊於一室

李氏郭肇都妻年十九歲遭亂被掠罵賊而死

李氏劉新祚妻適新祚未一月城陷被執義不受辱而死

傅氏王瑞極妻適瑞極甫二歲土寇破城被執不辱遂投河而死

高氏侯淵妾夫卒從容自縊而死

楊氏趙文景妻夫卒氏年十八有子數月旣而子

殤氏遂自縊死

蘇氏吳一惠妻惠故氏三日不飲食自縊而死

宋氏庠生朱浣妻子歸二載而浣亡氏卽欲以死殉家人守視勸慰乃就飲食及三年歸辭父母復返夫家不食十二日乃絕事聞建坊旌表

王烈女許聘戴椿未嫁而椿故女往弔入侍孀姑哀毀異常迨夫將葬自經於柩旁遂合葬焉

樊烈女許聘生員胡維翰未嫁維翰故女聞訃卽號泣奔喪自縊者再皆以救免遂絕飲食凡十一日死於柩側萬歷二十三年旌表

郭烈女庠生郭煥女崇正壬午流賊破城不辱而死

薄氏孫鳳儀妻夫故呼天搶地血淚逆流將殮時家人愴惶遂乘間自縊同日而死縣令劉嘉其節烈爲建祠堂作詩勒石以旌之

國朝

解氏朱從禹妻夫歿遺孤之玉方周歲撫之以守艱苦備嘗迨之玉成進士備陳母節奉 詔旌表

陳氏韓一龍妻夫亡苦節五十餘載享年八十有

餘康熙七年建坊 旌表

王氏庠生李廷震妻順治八年榆賊寇穀亭欲掠氏去哭罵不從賊怒殺之夜半甦李調治之傷一目折一眩後產二子

郭氏曹志臯妻貞節

高氏生員房應奎妻節孝

閻氏田化雍妻貞節

王氏盧士麒妻貞節

樊氏生員段金妻苦節

夏氏王鼎妻苦節

王氏夏九圍妻貞節

趙氏生員隨銓妻貞節

胡氏劉灝妻貞節

蕭氏甄五美妻貞節

王氏生員常彭生妻貞節

張氏儒士趙鵬翔妻貞節

李氏王俊妻貞節順治十五年旌

劉氏貢生馬奇英妻英卒劉方少艾矢志不渝奉
親撫孤宗黨稱之

傅氏庠生甄桂礎妻礎守城殉節死氏矢志以守
泣血數年未嘗見齒年七十七而卒

陳氏庠生陳錫福妻榆賊之亂夫遇害氏忍死撫孤苦節終身邑令旌之

元氏舉人段化龍側室夫卒撫孤守節已旌

王氏廩監生韓彪繼室彪卒遺二孤俱幼氏與側室盧氏曹氏同心撫孤苦節四十年已旌建坊

八祠

李氏宋允妻年二十八夫亡撫孤守節已旌建

坊八祠

劉氏宋杲妻年二十夫亡撫嗣守貞與嫂李氏俱

蒙旌表八節孝祠

冀氏甘延妻年二十夫亡葬畢歸室自縊死旌
常氏庠生劉埭妻年二十八夫故與寡嫂同室而
居撫子廷璋成立娶秦氏未二載而子歿秦撫孤
守貞與姑相依人稱一門雙節

劉氏廩生謝廷桂繼室年二十八夫故養姑訓子
守節不渝年七十九而卒

謝氏馬峻生妻年二十夫歿撫孤守節倍極勤瘁
年八十二卒

苗氏段存貞妻年十八夫亡無子矢志守貞歷五

十年如一日

以下七人皆
奉旨旌表

韓氏附監屈克昌妻年二十五而寡奉姑撫孤歷節五十餘年

甄氏王天申妻年二十夫故奉祖姑撫弱息歷節五十餘年

劉氏朱雲妻年二十八而寡撫孤守節子早逝與媳高氏同心育孤苦節四十餘年

楊氏增生朱檀妻年二十六夫亡剪髮薰目守志撫孤歷節四十二年

王氏監生史通裕妻年二十五夫亡撫遺腹子守節姪婦孟氏亦青年守貞與王同臥起如母女然

歷節數十餘年各以壽終

劉氏王大美妻年二十四夫故撫嗣子與兩孤姪
恩逾己出歷節四十餘年

劉氏李中蘊繼室夫亡撫嗣守節歷三十餘年

趙氏庠生常延禧繼室夫亡撫孤守志子早逝與
媳渠氏冰霜共矢撫養兩孫成立壽九十一歲而
終

劉氏馬玉芝妻年二十四夫亡無子孝事翁姑守
節終身

王氏楊型妻年二十四夫卒事親教子苦節五十

八年

蔣氏劉節妻年二十二夫卒氏剪髮毀面守貞訓
子納婦董氏年十九又寡遺腹生子姑媳相依共
鞠弱息乾隆二十七年旌

屈氏馬育楨繼室年二十四夫故撫孤成立娶吳
氏而子又卒遺一孫姑媳相依共撫弱息鄉人敬
禮之以松竹並茂顏其門

王氏劉鐸妻年二十三夫故撫孤養親守節不渝
張氏李昌運妻年十九夫故撫遺腹子守節事親
盡禮教子成名學使者旌其門

張氏胡時擢妻年二十五而寡守節撫孤卒年六十有五

王氏趙發蕙妻年二十六夫故守節教子終身不渝

劉氏朱朗妻年二十四夫故守貞教子終身不渝
屈氏劉鎮妻年二十七夫故養親撫孤苦志二十五年

李氏胡大成妻年二十九夫故撫嗣守節卒年六十七歲

馬氏胡世茂妻年二十四夫亡撫遺腹子以守苦

節終身

郭氏胡世範妻年二十二夫故撫遺腹子以守苦

節終身

趙氏劉元茂妻年十八夫故苦志守貞歷三十餘
年

宋氏馬晉公妻年十八夫亡痛不欲生以母老且
病恐傷其志乃勉進飲食越三年母卒殮畢慨然
曰吾今日始得從夫於地下矣遂投繯而死

胡氏韓培元妻年二十八夫故苦節終身

出氏趙諫妻年二十二夫亡撫孤守節已
旌

陳氏王子藏妻年二十四夫故撫孤守節苦志終身

劉氏庠生譚大武妻年二十二而寡撫孤守節終身不渝

張氏監生齊增妻年二十二夫故守節事親卒年八十五歲

李氏王大紳妻年二十八夫故上事翁姑下撫弱子苦節五十餘年

常氏甄際昇妻際昇爲豪右所害氏飲血吞聲撫周歲子爲復讎計豪偵知持刃突入欲盡除之氏

攜兒從後門逸出奔母家不敢歸越十餘年餓死
氏呼天搶地欲生食其肉而不能得既歿二日炯
炯猶不瞑

李氏閭輔臣妻年十九夫歿事親撫孤苦節五十
餘年

李氏附監劉洪文繼室年二十夫故撫孤成立苦
節終身

李氏庠生趙海晏妻年十九夫亡苦節終身

陳氏王嘉善妻年十九夫故守志終身

李氏劉銳妻年二十三夫故撫周歲子以守子中

殤撫養孤孫艱苦萬狀歷節五十餘年

王氏劉嗣瑞妻年二十二夫亡撫遺腹子以守苦節終身

馬氏趙克振妻年二十三夫亡以衰姑幼子爲己任卒年八十有三

董氏古燦妻年十八夫故絕粒十日而死邑令旌之

何氏古之鎔妻年十八夫亡守節

高氏鄭文耀妻年十九夫亡守志終身

董氏屈御世妻年二十五夫亡撫孤守貞終身不

渝

劉氏段仁妻年二十一夫故養親撫孤守志終身
袁氏周宗顯妻年二十夫亡事親教子守節終身
胡氏李發榮妻年二十夫故守節終身

王氏劉茂妻年二十一夫故守節終身

李氏楊永立妻年二十夫故母欲奪其志氏截髮
毀容誓不他適三十餘年從不一至母家

龔氏吳士傑妻年二十二夫故撫孤守節歷四十
四年如一日云

張氏庠生邵儼斯妻年二十八夫故撫周歲子守

節族人有垂涎其產者氏以死爭之家乃安卒年
八十八歲

夏氏庠生任銓妻年二十五夫故撫孤守貞艱苦
萬狀已旌入祠

孫氏庠生吳純妻年二十二夫故遺子玉衡玉璣
俱幼氏守節撫孤壽至九十而終

劉氏庠生吳玉衡妻年二十八夫故子亦旋亡氏
引刀自剄姑孫氏力救得免爲之立嗣苦節撫孤
俾克成立壽至八十而卒

宋氏孫宗顏妻年二十一夫歿撫嗣守節終身不

渝

王氏高希伊妻年二十二夫故承舅姑命撫孤守節閱兩月子殤遂投繯而死

張氏庠生常克顯妻年二十八夫故撫孤守節歲歉命子施粥救饑鄉里稱之

宋氏庠生段會古妻會古病疫臥牀匝月氏奉侍藥餌衣不解帶一日會古氣息屏絕如已逝狀家人環泣遂乘間自縊移時會古甦比尋宋則已死矣邑令聞之旌其門

侯氏監生王國興妻年二十七夫故養親訓子守

節終身里人稱之

王氏田子佩妻年二十三夫故養親撫孤守節終身

劉氏周亮公妻夫亡事姑撫孤歷節五十餘年

趙氏劉仲協妻年二十而寡撫姪爲子守節四十餘年

李氏梁桂妻年二十二夫故矢志守貞終身不渝

劉氏韓培亮妻年二十四夫歿守節終身

劉氏庠生常塘妻年二十三夫故無子苦節三十餘年

屈氏庠生閆瑾妻年二十四夫故養親撫嗣冰霜之操終身不渝

馬氏朱珥妻年二十二夫故撫子守貞爲之授室子歿與媳王氏撫養遺孤俾克成立族黨賢之韓烈女韓玉甫女許字張君賜長子未婚歲大饑君賜與玉甫謀改嫁之女聞夜自縊死

葛氏屈克奇妻年二十六夫故事姑撫子守節不渝年七十七歲而終

張氏庠生宋朝佐妻年二十三夫卒撫子釗成立娶馬氏釗歿姑媳相依苦志撫孤人稱兩世貞節

李氏杜庚妻年二十二夫亡守節終身

杜氏陳興魯妻年二十七夫亡守節終身

蕭氏鄧鎔妻年二十一夫亡撫孤守節備歷艱辛

皮氏王君重妻年二十九夫故撫孤守節年六十

四歲卒

孫氏甄岳岱妻年二十九夫故養姑撫子守節終身

趙氏孫廷漢妻年二十九夫故與孀姑相依撫遺

腹子成立苦節終身

張氏王士秀妻年二十九夫故撫嗣承祧守節終

身

趙氏石秉彝妻年二十一夫故養親撫孤苦節終身

牛氏常鎧妻年二十七夫故撫孤守節終身不渝
劉氏方彬妻彬偶他出工人某窺氏獨居欲汚之
氏堅拒得免閉戶自縊死乾隆六年旌

李氏趙士貞妻年二十九夫故遺腹生子撫之以
守旣長娶婦而子又亡婦楊氏痛欲殉節李泣勸
之乃止姑媳相依撫孤成立人稱一門雙節

常氏廩生曹采妻年二十九夫亡事親撫孤守節

不渝卒年六十有九

戴氏王春榮妻年十九夫卒遺一子守節五十餘年

曾氏屈躍龍妻年二十夫卒撫孤守節備歷艱辛壽終八十八歲

王氏趙光庭妻年二十六夫故苦節五十餘年

李氏田讓妻年二十夫卒孀居六十餘載教子成立克振家聲宗鄉賢之

甄氏劉士琪妻年二十六夫卒養親撫孤守志終身

田氏韓崙妻年二十五夫故撫孤守節終身不渝
許氏常有廉妻年二十一夫卒事親盡禮教嗣子
以義方守節終身

趙氏王君梅妻夫亡撫孤成立守節終身

常氏田萬興妻年十八夫卒撫嗣子承祧常紡績
以給守節彌篤

李氏武緯先妻年二十七夫亡養親撫孤守節終
身

薛氏陳增魯妻年二十七夫亡養姑撫孤守節終
身

李氏胡尙珍妻年二十六夫故撫養嗣子恩如己
出卒年八十二歲

劉氏劉閣瑞妻年十七于歸未一歲夫卒遂自縊
死邑令旌其門曰幽貞成烈

古氏王朝楨妻年二十九夫故事親教子皆盡其
道歷節三十餘年

鄭氏王藩妻年二十一夫故撫孤守節椎髻操作
苦志六十年卒

高氏韓學義妻年二十四夫卒守遺腹子苦節四
十餘年

韓氏監生王思敬妻年二十六夫故撫孤守節終身不渝

韓氏庠生于可仕妻年二十二夫卒守節終身

陳氏張乾妻年二十而寡奉舅姑撫孤子始終不渝苦節歷五十餘年

王氏劉玠妻年二十一夫故苦志撫孤歷節五十餘年

屈氏王大位妻年二十七夫故養姑教子苦節終身

樊氏冀琇妻年二十五夫亡無子事舅姑以孝聞

苦節五十年卒

孟氏馬源妻年二十八夫亡時翁老而瞽飲食不能自進氏奉侍左右每飯爲操匕箸凡二十餘載無倦色撫二子恩威兼施俾克成立歷節五十餘年

劉氏監生王士節妻年二十九夫故守節終身

韓氏王璉妻年二十四夫卒無子守節終身

田氏胡景頴妻年二十四夫卒撫孤守節終身不
渝

李氏閭士樑妻年二十七夫故事親撫孤克盡孝

慈守節三十餘年

金氏庠生韓慧妻年二十三夫卒苦志守節教子成立壽終七十餘歲

張氏韓經一妻夫亡守節終身

胡氏趙有采妻姑病藥餌不效氏因割股以進姑食之病旋愈

張氏陳延璧妻年二十八夫卒養姑撫子守節終身

徐氏廩生武待徵妻與子婦常氏姑媳同志守貞

已旌表

崔氏劉銘妻年二十三夫故苦志守節卒年七十四歲

張氏閆培中妻年二十二夫卒守節終身

劉氏張炳繼妻夫亡苦志撫孤三十餘年已旌

楊氏馬德邵妻年十九夫故守節終身

于氏田溥妻年二十五夫故撫孤守節閱數月子

殤遂自縊

續登自錄

平江田賦妻平二十正夫姑無祿中前國姓民千

晉江田賦妻平十八夫姑守節錄良

德江田賦妻平夫才苦志無祿三十前平日

張江田賦中妻平二十二夫卒守節錄良

國姓

終江田賦妻平二十三夫姑苦志守節卒平十

